

## Luna Rossa

Claudio Villa

Vaco distrattamente abbandonato,  
ll'uocchie sott' 'o cappiello annascunnute,  
mane 'int' 'a sacca e bávero aizato,  
vaco siscanno ê stelle ca só' asciute.

E 'a luna rossa mme parla 'e te,  
i' lle domando si aspietta a me,  
e mme risponne: "Si 'o vvuó' sapé,  
ccá nun ce sta nisciuna."

E i' chiammo 'o nomme pe' te vedé,  
ma tutt' 'a gente ca parla 'e te,  
risponne: "E' tarde che vuó' sapé?  
Ccá nun ce sta nisciuna!"

Luna rossa,  
chi mme sarrá sincera?  
Luna rossa,  
se n'è ghiuta ll'ata sera  
senza mme vedé.

E i' dico ancora ch'aspietta a me,  
for' 'o barcone stanott' ê ttre,  
e prega 'e Sante pe' mme vedé.  
Mma nun ce sta nisciuna!

Mille e cchiù appuntamente aggio tenuto,  
tante e cchiù sigarette aggio appicciato,  
mille tazze 'e café mme só' bevuto,  
mille vucchelle amare aggio vasato.

E 'a luna rossa mme parla 'e te,  
I' lle domando si aspietta a me,  
e mme risponne: "Si 'o vvuó' sapé,  
ccá nun ce sta nisciuna."

Ccá nun ce sta nisciuna